

გარეჯის მაცნა



სამარჯოს მუნიციპალიტეტის საინფორმაციო გაზეთი №6(308) 2024 წ. 16-31 მარტი შპსი 1 ლარი

პრემიერისგან სრული მხარდაჭერა

განსახორციელებელი პროექტების მიმართულებით

საქართველოს პრემიერ-მინისტრი ირაკლი კობახიძემ რეგიონებში სახელმწიფო რწმუნებულებასა და მუნიციპალიტეტის მერებს შეხვდა მთავრობის მეთაურმა განხორციელებულ საკადრო ცვლილებებზე ისაუბრა და სახ-



ელმწიფო რწმუნებულებებს და მუნიციპალიტეტების მერებს რეგიონებთან ურთიერთობის დეპარტამენტის უფროსი ნიკოლოზ ტყეშელაშვილი და შიდა ქართლის სახელმწიფო რწმუნებული ლევან ხარაბაძე წარუდგინა.

შეხვედრაზე რეგიონებში მიმდინარე და დაგეგმილი პროექტები განიხილეს და ცალკეულ მუნიციპალიტეტებში არსებულ საჭიროებებზე იმსჯელეს. პრემიერ-მინისტრმა სახელმწიფო რწმუნებულებებს და მუნიციპალიტეტების მერებს მიმდინარე და განსახორციელებელი პროექტების მიმართულებით სრული მხარდაჭერა აღუთქვა.

გუბერნატორებმა და მერებმა მთავრობის მეთაურისგან კონკრეტული დავალებები მიიღეს.

საქართველოს პრემიერ-მინისტრი

ირაკლი კობახიძე:

– მუსლიმი თემის პატივსაცემად გამართულ იფთარზე მათ ბედნიერება, კეთილდღეობა და წარმატებები ვუსურვებ.

საქართველოს რელიგიური მრავალფეროვნება ჩვენი ქვეყნის ერთ-ერთი უმთავრესი სიმდიდრეა. მუსლიმ თემს, ჩვენს განუყოფელ ნაწილს, დიდი წვლილი შეაქვს ჩვენი ქვეყნის აღმშენებლობაში და ჩვენს ძმობას ძალიან დიდი ისტორია უმაგრებს ზურგს.

საქართველო უნიკალური ქვეყანაა, სადაც ქართველი და აზერბაიჯანელი, შიტი და სუნიტი მუსლიმები ერთსა და იმავე მენეთში ღოცობდნენ. ჩვენთვის ძალიან ძვირფასია მშვიდობიანი თანაცხოვრების, ძმობის ეს ტრადიცია და ამას საქმიანად ვამტკიცებთ. სახელმწიფომ მუსლიმ თემს დღემდე გადასცა 237 მეჩეთი, გადასაცემად გამზადებულია კიდევ 20. სახელმწიფომ მუსლიმ თემს დაფინანსება გაუზარდა 4 150 000 ლარამდე და ეკონომიკური ზრდის კვალდაკვად ეს მხარდაჭერა კიდევ უფრო მეტად გაიზარდება. საქართველოს რელიგიური მრავალფეროვნება ჩვენი ქვეყნის ერთ-ერთი უმთავრესი სიმდიდრეა. დღესაც, თანამედროვე ქართული სახელმწიფოს შენებისას, საზოგადოების ყველა ჯგუფს, ყველა რელიგიურ თემს, თითოეულ ინდივიდს უნდა ჰქონდეს გაცნობა, რომ ამ პროცესის სრულფასოვანი მონაწილეა და ამისთვის ჩვენ, სახელმწიფო, მომავალშიც ყველაფერს გააკეთებთ.

იფთარზე შეკრებილ მუსლიმ თემს სიტყვით მიმართეს რელიგიის საკითხთა სახელმწიფო სააგენტოს თავმჯდომარე ზაზა ვაშაყმაძემ, საქართველოს მუსლიმთა შეიხმა, ფაიკ ნაბიევი, დასახელებულ საქართველოს მუფთმა, ადამ შანთაძემ და აღმოსავლეთ საქართველოს მუფთმა, ეტიბარ ემინოვმა.

მუსლიმი თემის პატივსაცემად გამართულ იფთარს სახელმწიფო მინისტრი შერიგებისა და სამოქალაქო თანასწორობის საკითხებში, თვითმმართველობის ადგილობრივი კორპუსის წარმომადგენლები და სხვა ოფიციალური პირები დაესწრნენ.



„ნოვრუზ-ბაირამი“ მიულოცეს



სამარჯოს მუნიციპალიტეტის მერი - ავთანდილ ბულიბაშვილი, კახეთის მხარის რწმუნებულთან ბიორბი ალაღაშვილიან, მაჟორიტარ დეპუტატ – ლაშო სონღლაშვილიან, შერიგებისა და სამოქალაქო თანასწორობის საკითხებში საქართველოს სახელმწიფო მინისტრის მოადგილე ლია ბიბაშვილიან, საგარეჯოს მუნიციპალიტეტის საკრებულოს თავმჯდომარე ალექსი ბილაშვილიან, ადგილობრივი თვითმმართველობის წარმომადგენლებთან და საგარეჯოს რესურს-ცენტრის ხელმძღვანელ ლეა შანოზიშვილიან ერთად სოფელ ლამბალოს საჯარო სკოლაში ნოვრუზ ბაირამის დღესასწაულსადმი მიძღვნილ ღონისძიებას დაესწრო.

მოსწავლეებმა პერფორმანსის სახით წარმოადგინეს ტრადიციული დღესასწაულის მნიშვნელობა და შესთავაზეს სანახაობრივი კულტურული პროგრამა.

ავთანდილ ბულიბაშვილმა აზერბაიჯანელ თანამოქალაქეებს დღესასწაული მიულოცა:

“ჩემი თანამოქალაქეებო, გილოცავთ ნოვრუზ ბაირამს და გაზაფხულის შემობრძანებას! დღეს, აქ იმისთვის ვარ, რომ ეს დღესასწაული მოგილოცოთ. მინდა მადლობა გადაგიხადოთ ამ ღონისძიებისთვის, შრომისთვის - პედაგოგებს, მოსწავლეებს, მშობლებს. თითოეულ თქვენგანს, თქვენს ოჯახებს ვუსურვებ წარმატებას, ზეგასა და ბარაქას. ნოვრუზ ბაირამი ოჯახური დღესასწაულია და საქართველო, როგორც ერთიანი ოჯახი, თითოეული ჩვენი მოქალაქე, განურჩევლად ეთნიკური თუ რელიგიური კუთვნილებისა, ამ დღესასწაულის თანაზიარია.

ჩვენ, მრავალწლიანი მეგობრობა გვაკავშირებს, ერთი ქვეყნის შვილები ვართ. პირველ რიგში გვაერთიანებს სურვილი - გვეკონდეს მშვიდობა და კეთილდღეობა!”



სასურსათო ამანათები სოციალურად დაუცველებს

სამარჯოს მუნიციპალიტეტის მერი - ავთანდილ ბულიბაშვილი მოადგილესთან, ბიორბი ალაღაშვილიან ერთად ეთნიკურად აზერბაიჯანელი მოსახლეობით დასახლებულ სოფლებს ესტუმრა, სოციალურად დაუცველ 250 ოჯახს სასურსათო ამანათი გადასცა და ადგილობრივებს სახალხო დღესასწაული - "ნოვრუზ ბაირამი" მიულოცა.



ქეთი ბრატიაშვილი, საგარეჯოს მუნიციპალიტეტის მერის პრესსპიკერი

ინფრასტრუქტურა-2024

სკოლამდელი აღზრდის დაწესებულების ახალი შენობა მაღე ბაისენა

ბახეთის მხარეში სახელმწიფო რწმუნებულთან გიორგი ალადაშვილთან და საგარეჯოს მუნიციპალიტეტის ადგილობრივი ხელისუფლების წარმომადგენლებთან ერთად, მაკორიტარმა **დეპუტატმა დანიით სონღულაშვილმა** სოფელ იორმუდანლოში თანამედროვე სტანდარტებით აშენებული საბავშვო ბაღი დაათვალიერა.

ბაღი, ჯამში 180 ბავშვზეა გათვლილი და მისი გახსნა უახლოეს მომავალში იგეგმება, რომლითაც ადგილობრივი მოსახლეობა და მათი ოჯახები ისარგებლებენ.



ბახეთის საავტომობილო გზა



ბახეთის რეგიონში საგზაო ინფრასტრუქტურის 12 რეაბილიტაციის პროექტი და 4 ნაპირსამაგრი და სტიქიის პრევენცია-ლიკვიდაციის პროექტი ხორციელდება.

პროექტების ფარგლებში, რეაბილიტაცია ჩატარდება 138 კმ. გზას, საიდანაც 110 კმ. გზის რეაბილიტაცია მიმდინარე წელსვე დასრულდება. რეაბილიტაციის პროექტების ჯამური ღირებულება 178 მილიონი ლარია. ჯამურად თექვსმეტივე პროექტის ღირებულება კი - 183 მილიონი ლარი.

მათ შორის, რეაბილიტაცია უტარდება შიდასახელმწიფოებრივი მნიშვნელობის ვაზიანი-გომბორი-თელავის საავტომობილო გზის 33.6 კმ-იანი მონაკვეთს, სადაც, ამ დროისთვის, უკვე მოწყობილია ხელოვნური ნაგებობების 90% და 12 კმ-ზე მოწყობილია ასფალტის საფარი. პროექტი სახელმწიფო ბიუჯეტიდან 66.7 მილიონი ლარით ფინანსდება.

დასრულების ეტაპზეა შიდასახელმწიფოებრივი მნიშვნელობის ასმეტა-ბაწარას ნაკრძალის საავტომობილო გზის დუისი-ჯიბახვის 8 კმ-იანი მონაკვეთის რეაბილიტაცია. პროექტი სახელმწიფო ბიუჯეტიდან ფინანსდება და მისი ღირებულება 5.65 მილიონი ლარია.

აქტიურად მიმდინარეობს შიდასახელმწიფოებრივი მნიშვნელობის ასმეტა-თელავი-ბაკურციხის უშუალოდ თელავზე გამავალი საავტომობილო გზის 5 კმ-იანი მონაკვეთის სარეაბილიტაციო სამუშაოებიც. პროექტს 13.8 მილიონი ლარი მოხმარდება.

რეაბილიტაცია უტარდება ასევე დედოფლისწყაროს მუნიციპალიტეტის სიღნაღის მუნიციპალიტეტთან დამაკავშირებელი ადგილობრივი მნიშვნელობის საავტომობილო გზას. პროექტის ღირებულება 11.7 მილიონი ლარია.

პროექტების დასრულება 2024 წელს იგეგმება და კახეთის რეგიონში, საავტომობილო გზებზე კომფორტულ და უსაფრთხო გადაადგილებას უზრუნველყოფს.

22 მარტი წყლის

რესურსების დაცვის დღეა

წყლის რესურსების დაცვის საერთაშორისო კვირეულის ფარგლებში, საგარეჯოს მუნიციპალიტეტის მერიის განათლების, კულტურის, ძეგლთა დაცვის, სპორტისა და ახალგაზრდულ საქმეთა სამსახურის ორგანიზებით, ყველა ადმინისტრაციულ ერთეულში, სამუშაო ჯგუფებმა შერჩეულ ღონისძიებებზე გამწვანების აქცია გამართეს.

აქციის ფარგლებში 150 ძირი სხვადასხვა სახეობის ნერგი სკოლებში, ბაღებსა და რეკრეაციულ ტერიტორიებზე მუნიციპალიტეტის მერმა **ამთანდილ გულიაშვილმა** ადგილობრივი თვითმმართველობის წარმომადგენლებთან და სკოლის მოსწავლეებთან ერთად დარგა.

გარემოს დაცვის კამპანიის ფარგლებში, საგარეჯოს მუნიციპალიტეტის მასშტაბით, მსგავსი აქციები ყოველწლიურად იმართება.



სასმელი წყალი

სოფელი შიბლიანი

სოფელ შიბლიანში მოსახლეობის უწყვეტი წყალმომარაგების მიზნით, ჭაბურღილის რეაბილიტაციისა და მაგისტრალური მილსადენის მოწყობის სამუშაოები დაიწყო.

პროექტის ჯამური ღირებულება 844 996 ლარს შეადგენს, რომელიც ადგილობრივი ბიუჯეტიდან და რეგიონში განსახორციელებელი პროექტების ფონდიდან ფინანსდება.

საგარეჯოს მუნიციპალიტეტის მერი **ამთანდილ გულიაშვილი** მაკორიტარ დეპუტატთან **დანიით სონღულაშვილთან** ერთად მიმდინარე პროცესს ადგილზე გაეცნო.

სოფელ შიბლიანში, სასმელი წყლის სისტემის რეაბილიტაცია-მოწყობის სამუშაოები მიმდინარე წლის ზაფხულში დასრულდება, რის შედეგადაც, ადგილობრივი მოსახლეობა უწყვეტი წყალმომარაგებით ისარგებლებს.



ქუჩები

სოფელი მანავი

საბარეჯოს მუნიციპალიტეტის მერი - **ამთანდილ გულიაშვილი** პირველ მოადგილესთან - **ემზარ კუჭუაშვილთან** ერთად, სოფელ მანავში ადგილობრივ მოსახლეობას შეხვდა და შიდა საუბრო ქუჩის მოასფალტების სამუშაოები მიინახულა.

აღნიშნული პროექტის სისრულეში მოყვანისთვის მოსახლეობამ ადგილობრივი ხელისუფლების წარმომადგენლებს მადლობა გადაუხადა და სოფლის სხვა საჭიროებებსა და პირობებებზე კითხვა-პასუხის რეჟიმში გაგრძელდა შეხვედრა.

- **ათეულობით წლის პრობლემა - ეს გახლდათ შიდა საუბრო გზების რეაბილიტაცია და სასმელი წყლის საკითხი.**

ჩემი და ჩემი გუნდის სამუშაო სტრატეგია სწორედ ამ ორი ძირითადი ამოცანის გადაჭრა გახლავით.

სასმელი წყლის პრობლემა აღნიშნულ სოფელში მოგვარებულია, დარჩენილია კონკრეტული მონაკვეთები და ამ მიმართულებით გრძელდება მუშაობა - განაცხადა **ამთანდილ გულიაშვილმა**.



სოფელი ნინოწმინდა

21-ი საუბრო ქუჩის რეაბილიტაციის სამუშაოები დაიწყო.

პროექტი, რომელიც ადგილობრივი ბიუჯეტიდან და რეგიონში განსახორციელებელი პროექტების ფონდიდან ფინანსდება, მუნიციპალიტეტის მერმა ადგილობრივი თვითმმართველობის წარმომადგენლებთან ერთად ადგილზე მიინახულა.



მედი პრატიკაშილი, საგარეჯოს მუნიციპალიტეტის მერის პრესსპიკერი

ინფრასტრუქტურა-2024

პატარა ჩაილური

სოფელ პატარა ჩაილურში, შიდა საუბნო გზის მოწყობის სამუშაოები დაიწყო. მუნიციპალიტეტის მერმა **აშთანდილ გულიაშვილმა** ინფრასტრუქტურის სამსახურის ხელმძღვანელთან **ბეძა ფიქრიშვილთან** და სოფლის წარმომადგენელთან ერთად სამუშაოების მიმდინარეობა ადგილზე მონახულა, კომპანიის წარმომადგენელს ესაუბრა და ხელშეკრულებით ნაკისრი ვალდებულებების ჯეროვნად შესრულებისკენ მოუწოდა.

„ ჩვენი მიზანია, მუნიციპალიტეტში ეტაპობრივად მოვაწესრიგოთ საგზაო ინფრასტრუქტურა. პრიორიტეტად დავსახეთ სოფლის ცენტრალური მონაკვეთები და შიდა საუბნო გზები, სადაც არასდროს არ ყოფილა ახვალტის საფარი. სოფელ პატარა ჩაილურში, ეს გახლავთ ერთ-ერთი მჭიდროდ დასახლებული უბანი. მუნიციპალიტეტის სხვა ადმინისტრაციულ ერთეულებშიც პარალელურ რეჟიმში მიმდინარეობს ინფრასტრუქტურული სამუშაოები. მაქსიმალურად ვცდილობთ, მოსახლეობას შევექმნათ შესაბამისი პირობები.“

აღნიშნა აშთანდილ გულიაშვილმა.



ჩვენს მუნიციპალიტეტში კაცი-ლეონდის არდასაპოყეპელი

საბარძოს მუნიციპალიტეტის მერი, ავთანდილ გულიაშვილი მოადგილეებთან და თვითმმართველობის წარმომადგენლებთან ერთად მოქანდაკეებს შეხვდა და სპორტის ფა-ლაუნის - ლეონდის თედაშვილის ბიუსტის პროექტის შესახებ იმსჯელეს. საგარეოდ, ლეონდის თედაშვილის ქანდაკება ქ. საგარეჯოში, სპორტული დარბაზის მიმდებარედ, არსენ მეკოკიშვილის ბიუსტის გვერდით განთავსდება.

სამუშაო ჯგუფის კონსულტაციების შემდგომ განისაზღვრება კრიტერიუმები ბიუსტის პროექტის შესაქმნელად და დაიწყება მუშაობა საუკეთესო ესკიზის შესარჩევად.



სიმბოლური საჩუქრები და ერთჯერადი ფულადი დახმარება

ახალი, მრავალფუნქციური სასტუმრო-კომპლექსი

საბარძოს მუნიციპალიტეტის მერმა, ავთანდილ გულიაშვილმა მოადგილეებთან ერთად ქალაქ საგარეჯოში, რუსთაველის ქუჩაზე ახლადგახსნილი სასტუმრო „My Georgian Village“ - დაათვალიერა. თანამედროვე სტანდარტებით აშენებულ 3 - სართულიან სასტუმროში 6 ადგილია, ჯამში შესაძლებელია 18 სტუმრის მიღება. მრავალფუნქციური სასტუმრო უზრუნველყოფილია პარკინგითა და თანამედროვე ტექნოლოგიებით, სპა და გამაჯანსაღებელი ცენტრით. გარდა ამისა, სასტუმროში განთავსებულია საკონფერენციო დარბაზი, რესტორანი, ბარი და ბიბლიოთეკა.

„ მრავალფუნქციური სასტუმრო კომპლექსი - ბევრი საინტერესო შეთავაზებით უნიკალური შთაბეჭდილებას შეუქმნის ნებისმიერ ვიზიტორს. აღნიშნული პროექტი, უმნიშვნელოვანესია საგარეჯოს მუნიციპალიტეტის ისტორიაში, რაც თავისთავად განაპირობებს ადგილობრივი მაცხოვრებლების დასაქმებას და ტურიზმის განვითარებას. მნიშვნელოვანია მისი გეოგრაფიული მდებარეობა ქალაქის ცენტრალურ ნაწილში. მინდა წარმატება ვუსურვო დამფუძნებლებს და ყველა ვიზიტორს სასიამოვნო მოგზაურობა - დაისვენონ ქალაქის ცენტრში და განახორციელონ წარმატებული ბიზნეს და ტურისტული ვიზიტები საგარეჯოში „ - განაცხადა **აშთანდილ გულიაშვილმა.**



დაუნის სინდრომის მსოფლიო დღესთან დაკავშირებით, საგარეჯოს მუნიციპალიტეტის მერი, ავთანდილ გულიაშვილი მუნიციპალიტეტში მცხოვრებ დაუნის სინდრომის მქონე ახალგაზრდებსა და მათ შობლებს შეხვდა, საჭიროებებზე ესაუბრა და სიმბოლური საჩუქრები და ერთჯერადი ფულადი დახმარება გადასცა. ცნობიერების ამაღლების კამპანიის ფარგლებში - კი სპეციალურად დამზადებულ საინფორმაციო სტენდთან ფოტოსესია მოეწყო.

ავთანდილ გულიაშვილი სოფელ გომბორში მცხოვრებ ქალბატონს - **შორენა ბახუტიაშვილს** ესტუმრა და დაბადების დღე მიულოცა.

„აღნიშნული მიმართულებით მუშაობა აქტიურად გაგრძელდება და დაუნის სინდრომის მქონე თანამოქალაქეთა სრულფასოვანი ინტეგრაციისათვის ქმედითი ნაბიჯები გადაიდგმება. ჩვენი მიზანია, ვიზრუნოთ მათი თვითრეალიზაციის პირობების შესაქმნელად“ - აღნიშნა **აშთანდილ გულიაშვილმა**



მინი სტადიონი

საბარძოს მუნიციპალიტეტის მასშტაბით, მინი სტადიონების მოწყობის სამუშაოები გრძელდება. სპორტული ინფრასტრუქტურის გაუმჯობესებისა და ჯანსაღი ცხოვრების წესის დამკვიდრების მიზნით, ადმინისტრაციულ ერთეულებში მინი სტადიონებისა და სპორტული დარბაზების მშენებლობა აქტიურად მიმდინარეობს.

საგარეჯოს მუნიციპალიტეტის მერმა **აშთანდილ გულიაშვილმა**, **საკრებულოს თავმჯდომარესთან ალექსი ბილაშვილთან** ერთად, სოფელ გიორგიწმინდაში ადგილობრივებს ახალი სპორტული სივრცის გახსნა მიულოცა და ადმინისტრაციული ერთეულის წარმომადგენლებს სპორტული ინვენტარი გადასცა.



მთი ბრატიაშვილი, საგარეჯოს მუნიციპალიტეტის მერის პრესსპიკერი

ტრადიციას არ იზიჟებენ „ბერიკაობა“

წელიწადში ერთხელ, ე.წ. ყველიერის კვირის ბოლო დღეს საგარეჯოს სოფლებში, დიდ და პატარა ჩაიღურში მოსახლეობას ბერიკების ყოვანა აღვიძებს. ეს დღეობა წელს 17 მარტს დაემთხვა.

„ბერიკაობა“ სხვადასხვა ფორმით საქართველოს სხვადასხვა კუთხეში და სხვადასხვა სოფელშია შემორჩენილი. თუმცა, დიდი ჩაიღურის მოსახლეობა, რომელიც ამ დღეს განსაკუთრებულად აღნიშნავს, ამ ტრადიციას გაზაფხულის მოსვლას უკავშირებს. სწორედ ბერიკები არიან ისინი, ვის ხმაურსა და ჟრიალსაც გაზაფხული მოჰყავს.

მოსახლეობის გარკვეულ ნაწილს დღესაც შემორჩა ხსოვნა, თუ რას ნიშნავს „ბერიკაობა“, თუმცა, დღეს უკვე სულ სხვა სახე აქვს მიღებული. კარგი იქნება, თუ ძველს გაიხსენებთ და აღვადგენთ...

მიმდინარე წლის 17 მარტს ჩვენი მუნიციპალიტეტის სოფლებში, პატარა და დიდ ჩაიღურში უამრავმა ადამიანმა მოიყარა თავი. ყველა ასაკის ადამიანი აქ უამრავი სანახაობა და გასართობი სივრცეები ელოდა. ტრადიციული „კახია“, ხის ბოძებზე შიშისკუპული საქანელები, ნახერხმოყრდი მოედანზე ქართული ჭიდაობა, ქალების გამოცხობა, ადგილობრივი მცხოვრებლების მიერ ხელით შექმნილი ნაკეთობები.

პატარა ჩაიღურში ქართულ ჭიდაობაში გათამაშებული ორი პრიზიდან ერთი — ტყელია მამულა შეიღმა (აბსოლუტურში) მიიღო, ხოლო მეორე — ამირან დარბაისელმა (60 კგ წონითი კატეგორია).

დიდ ჩაიღურში გათამაშებული ტყელია ღირსეულ მოჭიდავეს ლევან ჯამერაშვილს ხელა წილადა.



ისტორია

აღრმე გაზაფხულზე, ყველიერში, როდესაც ნუშის კვირტები იშლებოდა და ნორჩი ბალახით დაფარული მიწის სურნელება დადგებოდა, სოფლის მამაკაცები — ახალგაზრდები და მოხუცები — მოედნებზე, კალოებსა თუ სახლის ბანებზე შეიყრებოდნენ და გაზაფხულის სადიდებელი დღესასწაულის სამხალის იწყებდნენ. აირჩევდნენ ბერიკაობის მონაწილეებს: მთავარ ბერიკას, ბერიკებს — ღორს, არაბს, ლეკს, თათარს, მღვდელს, ნათლიას, დედოფალს, მებარგულეებს, მეკალათეებს, მომღერლებსა და სხვადასხვა მუსიკალურ ინსტრუმენტზე დამკვრელებს. მათი რაოდენობა სოფლის სიდიდეზე იყო დამოკიდებული და ზოგჯერ 30-საც აღწევდა. ბერიკაობის მონაწილეებს წინა წლების გამოცდილების მიხედვით ასახელებდნენ, ხოლო ახალი წვერების არჩევას თითოეული მათგანის უნარს ითვალისწინებდნენ.

შემდეგ მათი საკახმის მზადებას შეუდგებოდნენ. რაღა არ იყო აქ საამისოდ მოტანილი — თხის, ცხვრისა და ხარის ტყავები, ტყავაბები, საქონლის კუდები, გოგრის, ნაბდის, მუყაოსა და ქაღალდის ნიღბები, ღორისა თუ თხის გამხმარი თავები, სხვადასხვა ცხოველის რქები და ფრინველთა ბუმბულები, სადედოფლო ქართული კაბა და სხვადასხვა სახის თავსაბურავები, ფერადი ქაღალდები, ნაჭრის ჭრელი თოჯინები, ზარები და კრიალოსნები, ინა და ნახშირი, სიმინდის ნაქურჩის, ხისა და რქის წითლად შეღებილი „კონკილა“ — ფალოსები, ხისაგან გათლილი ხმაღ-ხანჯლები, ფარები, და შურდულეები. აქვე კეთდებოდა სხვადასხვა ფერის მალაღი ალმები და ჩირადღენები. მიწაზე ეწყო სანოვაგის შესაკრები ჭრელი ხურჯინები, მორჩილი გუდები, კალათები, ხელადები და დიდი კოკები.



ეს სამზადისი სახელდახელო ღზინით, სიმღერითა და ცეკვა-თამაშით მთავრდებოდა. მესტირე ბერიკულს უკრავდა. მისუცები ძველ ბერიკაობა-ყვენობას, ცნობილ მესტირეებსა და მოჭიდავეებს გაიხსენებდნენ, განთქმულ ბერიკა-ყვენსა თუ მესტირეს ასახელებდნენ. ისმებოდა მათი მოსაგონარი და სადღერძელო. არც სოფლის საჭირობოროტო საქმეებს ივიწყებდნენ...

მეორე დღეს დღესასწაულის მონაწილენი მყუდრო ადგილას შეიკრიბებოდნენ და შესაფერისად მორთვებოდნენ. ბერიკა ცხვრის ან თხის ტყავს, იშვიათად კი ცხვრის გადმობრუნებულ ტყავაბას იცვამდა, რომელსაც უკან საქონლის კუდი ჰქონდა გამობმული. მას სახეზე ნიღაბი ეფარა. ტომარასავით გაკერილ უხეშ შავი ნაბდის ნიღაბს თავზე ორი გრძელი ყური და

თხის ორი რქა ჰქონდა დამაგრებული. მათ შუა ჩითის ნაჭრის თოჯინა — კუკი ესკუპა. ნიღბის წვერ-ულვაში თხის ბლანით ირთებოდა და თვალების, ცხვირისა და კბილების გამოსახენად გამოჭრილი იყო.

ქართლში ზოგან თხის ან ცხვრის გასუფთავებელი ტყავის მთლიანი და ნახევარ-ნიღბები უხმარიათ, ზოგჯერ კი მათ მაგივრად თხის რქებს და თხის თავის ქალასაც იყენებდნენ.

იმერელი ბერიკა ტყავის, სამკუთხა ფორმის მალაღ ქუდ-ნიღაბს ან კვახაბურას სახელით ცნობილ აყროსა და ხაპის ნიღბებს ატარებდა.

მთელ რიგ შემთხვევებში ბერიკა ნიღბის მაგივრად სახეს შავად იღებავდა, თხის წვერს იკეთებდა და თხისავე რქებს იმაგრებდა. ხშირად თავზე ჩაღაბურდა შემოხვეულ და ეკლიანი ხის ტოტებით შემკულ ბერიკასაც შეხვდებოდა.

ბერიკას ხევერები შემდეგნაირად რთავდნენ: „გაფხუჭვენ კაცს, შამბენ ვაცის ყბათ, რქათაც დაუკეთებენ, შამბენ კუდს რაისასა...“

ბერიკას წელზე ქამარი ერტყა, რომელზედაც ხის, ძვლის ან რქის ფალოსი იყო ჩამოკიდებული.

დღესასწაულის მეორე მთავარი წვერი დედოფალი — „კეკელა“, რომელსაც ვაჟი ასახიერებდა, საპატარძლო ტანსაცმლითა და ჩიხტითა და ღვინაპით ირთებოდა. ბევრჯერ უნახავთ სოფელურ კაბაში ჩაცმული და ჭრელი ჩითის ნაჭრებით მოკაზმული დედოფალიც; მას თავზე თეთრი ან ფერადი შალი ჰქონდა მოხვეული. ქართლის ზოგიერთ სოფელში დედოფალს თავზე გვირგვინი ედგა, ხოლო ზოგან ფრინველის ჭრელი ფრთებით შემკული ქუდი ეხურა. კეკელას სხვადასხვა ფერის ქაღალდისა და შუშის მიძვებს ჰკიდებდნენ, სახეს კი ფერადი საცხებლით უღებავდნენ. ზოგიერთი ცნობით, იგი გამურულიც ყოფილა.



ღორბერიკა ნიღაბს ატარებდა ჯოხზე წამოცმულ გამხმარ ღორის თავს, ტანს კი ღორის ტყავით იფარავდა. იგი ზოგჯერ ტყავინიღაბსაც ხმარობდა.

მარაბს, ლეკს, თათარს, რომლებიც ერთსა და იმავე ფუნქციას ასრულებდნენ დღესასწაულში და ამიტომ სხვადასხვა ადგილებში ერთმანეთს ენაცვლებოდნენ, ჩალის ქუდი ან ფაგახი ეხურათ, ჩოხა-ახალუხი ან რაიმე ძველმანი ცეკვით და ძონძები ეკიდათ. ისინი ყალიონს წვედნენ, ხელში დიდი ჯოხი ეკავათ და ყელზე ზარნამოკიდებულები დადიოდნენ. ბერიკას მსგავსად ეს პირებიც ფალიურ ნიშანს იკეთებდნენ და სოფლის დარბევის მთავარ მონაწილეებს წარმოადგენდნენ.

ნათლია, რომელსაც დედოფლის დაცვა ევალებოდა თავდამსხმელებისა და მოტრფი-ალებებისაგან, ჩოხა-ახალუხში იყო ჩაცმული.

მღვდელს ანაფორის მსგავსი ტანსაცმელი ეცვა და ოლარი ეკიდა; იგი ხბოს ან თხის ტყავის წამოსასხამსაც ატარებდა და ხშირად თხის ბლანის წვერ-ულვაშით იყო მორთული. მას საცეცხლურის მაგიერ ხელში ეკავა ხბოს კუდი ან მოწული ხის ჭურჭელი, რომელშიც ცეცხლწკიდებული ნაკელი ეყარა. აღსანიშნავია, რომ მთელ რიგ შემთხვევებში მღვდელი მამრობითობის გამომსახველი საგნით დადიოდა.

მებარგულეებსა და მეკალათეებს, რომელთაც პატარა ბიჭები ასახიერებდნენ, საგანგებო ტანისამოსი არ სცმიათ. თუმცა ხანდახან ნიღბებს ისინიც ატარებდნენ და სხვადასხვაგვარად ირთებოდნენ.

მომღერალ-მუსიკოსებსაც ზოგჯერ მოთელილი თექა ან ტყაპუჭი და ნიღაბი უტარებიათ.

ბერიკა-ბეროლი და დღესასწაულის სხვა მონაწილენი როგორც კი მორთვა-მოკაზმვას დაამთავრებდნენ, ბუკისა და ნალარის ხმა სოფელს მათ მზადყოფნას ამცნობდა. ბერიკებს წინ თავბერიკა და დედოფალი მიჰძლიდათ, მათ ხის ხმლებით, ფარებით, ჯოხებითა და შურდულეებით შეიარაღებული ამაღა მოსდევდა. მესტირენი, მესონგურენი, მეფანდურენი და სხვანი თავიანთ უნარსა და ოსტატობას აჩვენებდნენ. მესტირე ბერიკულს მღეროდა. ბერიკულის დასაკრავად სტირი განსაკუთრებულ მომართვას საჭიროებდა — იგი მალაღ ხმაზე უნდა დაეყენებინათ. ქართლში ყველა სოფელს თავისი „ბერიკული“ ჰქონდა. ბერიკად ნამყოფის გადმოცემით, „დიდმური ბერიკული მუხრანულზე უფრო კარგი მოსასმენი ყოფილა“.

ბერიკები კარდაკარ დაივლიდნენ სოფელს. ყველა სიხარულით ელოდა მათ; ეზოში შემოსულ მორთვებებს ოჯახის უფროსი შეეგებებოდა, მუხლმოყრილი თავის გაჭირვებას ეტყობდა და შეეგება სთხოვდა. აქვე, ეზოში, ბერიკა ჩონგურის ხმაზე ხტოდა და ხის ხმლით ხელში ცეკვავდა. ცეკვის დროს იგი დროდადრო ფალოსს მიწას უსვამდა, რითაც მასპინძელს ანიშნებდა — სურსათ-სანოვაგე გამოგვიტანო, ამაღა კი „ბერას“ ლექსს დასახლოდა:



„ბერიკაის კარსაო
გიჭყრილებ თვალსაო,
ჩქარა თუ რას გამომიტან,
თორო გიმტერვე კარსაო“.
ან
„ბერა მოდგა კარავსაო,
აბრილებ თვალბსაო,
ხელი ჩაპკარ ხალამშიო,
ღმერთი მოგცემს ბარაქასო.
ვინცა ბერას არას მისცემს,
მელას მისცემს მის ქათმებსო, ჰო!“
ან

„მასპინძელს ყველა მზადა აქვს,
გველოდა დიდი ხანია,
გვითხრა: — რად დაივიანეთ,
მოვიდა შუა ღამია,
რამდენი ხანი გელოდეთ,
გახშიმი არ გეიჭამია.
გავვიმასპინძლდა კარგადა,
ბერიკაზე აქვს თვალა“.

გამასპინძლების შემდეგ ბერიკებს ძღვენს — ხორცს, ფქვილს, პურს, ყველს, ერბოს, კვერცხებს, თაფლს, არაყსა და ღვინოს მიართმევდნენ; შეკრებილი სურსათ-სანოვაგე პატარა ბიჭებს — მებარგულეებსა და მეკალათეებს დაჰქონდათ:

„ბავშვებსა ჰკიდავ გუდები,
მასპინძლებზე აქვს თვალა,
გუდას მოიხდის, იძახის:
— ცოტა ფქვილ ჩაგვიყარია,
ყველი და ხაჭო ჩაგვიდეთ,
ხორციც მოგვეცით მალა,
ახალგაზრდები ყვირიან:
— არაყ ჩავისხით ცხარი“.

ბერიკები მასპინძლის ოჯახს ღოცავდნენ: „ღმერთო, მიეცი ამ ოჯახს ქონება და დოვლათი, რომ თვითონაც უკლებლივ ჰქონდეს და სხვისთვისაც გაიმეტოს“. ისინი ზოგჯერ

მუნიციპალური გვერდი

საგარეჯოს მუნიციპალიტეტის საკრებულოს მორიგი სხდომა 2024 წლის 29 მარტი



საგარეჯოს მუნიციპალიტეტის საკრებულოს მორიგი სხდომა ამავე **საკრებულოს თავმჯდომარე ალექსი ბილაშვილი** უძღვებოდა.

სხდომაზე განხილული იქნა შემდეგი საკითხები:

1. „საგარეჯოს მუნიციპალიტეტის 2024 წლის ბიუჯეტის დამტკიცების შესახებ“ საგარეჯოს მუნიციპალიტეტის საკრებულოს 2023 წლის 27 დეკემბრის №16 დადგენილებაში ცვლილების შეტანის თაობაზე.

მომხსენებელი: საგარეჯოს მუნიციპალიტეტის მერიის საფინანსო-საბიუჯეტო სამსახურის უფროსი **თინათინ კაბილაშვილი**, თანამომხსენებელი **ელენე სამთუაშვილი**

2. „საგარეჯოს მუნიციპალიტეტის მოსახლეობის სოციალური დახმარების 2024 წლის პროგრამის დამტკიცების შესახებ“ საგარეჯოს მუნიციპალიტეტის საკრებულოს 2023 წლის 27 დეკემბრის №17 დადგენილებაში ცვლილების შეტანის თაობაზე.

მომხსენებელი: საგარეჯოს მუნიციპალიტეტის მერიის სოციალური დახმარებებისა და ჯანდაცვის სამსახურის უფროსი **სოფიო შატარაშვილი**, თანამომხსენებელი **ვეფხია უსტიაშვილი**.

3. საგარეჯოს მუნიციპალიტეტის საკუთრებაში არსებული გადაშლილი და გადამზიდის თავსებადი ღირებულების შ.პ.ს. „საგარეჯო“-სთვის თხოვნის ფორმით გადაცემაზე თანხმობის მიცემის შესახებ

მომხსენებელი საგარეჯოს მუნიციპალიტეტის მერიის ქონების მართვის, ეკონომიკური დაგეგმვის და სტატისტიკის სამსახურის უფროსი სპეციალისტი **ლალი ზაზახიძე**, თანამომხსენებელი **არჩილ ნემსიაშვილი**.

4. 2024 წლის სოფლის მხარდაჭერის პროგრამით დასაფინანსებელი პროექტების ნუსხის დამტკიცების შესახებ.

მომხსენებელი: საგარეჯოს მუნიციპალიტეტის მერიის არქიტექტურის, სივრცითი მოწყობის, მშენებლობისა და ინფრასტრუქტურის სამსახურის უფროსი **ბამბა ვატიანი**, თანამომხსენებელი **ლევან როსტიაშვილი**.

5. საგარეჯოს მუნიციპალიტეტის სოფელ მარიაშვილში სახელწოდების არქონე ქუჩის არსებული ციფრის გამოყენებით სახელდების შესახებ.

მომხსენებელი ლევან როსტიაშვილი



სოფლის მეურნეობა

მოსახლეობასთან შეხვედრები ბრძოლაში

კოვბანში მოსახლეობასთან შეხვედრის დროს განხილული საკითხები

1. დანერგე მომავალი - პროგრამაში მონაწილე ყველა ფერმერს დაუფინანსდება ნერგების ღირებულების 70 % და წვეთოვანი სარწყავი სისტემის მოწყობისთვის საჭირო ინვენტარის 50 % 1 ჰა, მაგრამ არა უმეტეს 2500 ლარი. ამასთან საფურადღობოა, რომ ფერმერს საკუთრებაში უნდა გააჩნდეს 0,5 ჰა მიწის ნაკვეთი მაინც, მაქსიმალური ზღვარი არის 50 ჰა.

2. აგროდახმარება - თანდაფინანსება ყველა კულტურაზე და მათ შორის ვაზზე შეადგენს 70 %. მიწის ნაკვეთი აუცილებლად დარეგისტრირებული უნდა იყოს. ამავე დროს ფერმერი დარეგისტრირებული უნდა იყოს ფერმერთა რეესტრში. სადაზღვეო პირობები: 1. სეტყვა, 2. წყალდიდობა, 3. ქარიშხალი, 4. საშემოდგომო ყინვა.

მარცვლეულ კულტურებზე მაქსიმალური ფართობი 30 ჰა დანარჩენ კულტურებზე 5 ჰა. კოოპერატივებისთვის ფართობი შეუზღუდავია.

3. მცხოვრებლების განვითარებისათვის:

სოფლის განვითარების სააგენტოს კახეთის რეგიონული სამსახურის საგარეჯოს საინფორმაციო-საკონსულტაციო ცენტრი (ფორმალური ნიკო ჯავახიშვილი) სოფელ კოვბანში, სოფლის მეურნეობით დაინტერესებულ პირებს შეხვდა, გააცანა დღეს მოქმედი სოფლის მეურნეობის მიმართულების სახელმწიფო პროგრამები, გაუწიეს დარბოვანი კონსულტაციები, უკანასკნელ დასრულ შედეგებს.



1. პროგრამის ფარგლებში შემუშავებულია ფერმის აშენება, რეკონსტრუქციის და აღჭურვისათვის საჭირო სახანძრო სანაშენე ფერმების მოწყობისთვის.

2. სესხის აღება, მაღალი პროდუქტიული მსხვილი ფერმების მერძეული, მესხორცული და კომბინირებული მიმართულების

სანაშენე ფერმების მოწყობისთვის.

3. სასუქი მსხვილფეხა პირუტყვის სადგომის მოწყობისათვის.

4. მსხვილფეხა პირუტყვის მცირე ფერმერული მეურნეობების დაფინანსებისათვის.

5. მაღალპროდუქტიული მსხვილი ფერმის მოწყობისათვის გათვალისწინებული სესხის მოცულობა შეადგენს 5 მლნ ლარს. სესხის პროცენტის დაფინანსება შეადგენს 11 %-ს 7 წლის განმავლობაში.

6. სასუქი მსხვილფეხა, პირუტყვის სადგომის მოწყობისათვის შესაძლებელია 1 მლნ. სესხის განხორციელება 11 % 4 წლის განმავლობაში.

პროგრამა ითვალისწინებს:

1. ბიოპარკების სერტიფიცირებას;
2. საკონსულტაციო მომსახურებას;
3. მევენახეობაში ორგანული სასუქების და მანეგული დაავადებების წინააღმდეგ გამოსაყენებელი ბიოპრეპარატების შექმნას;

4. ფუტკრის სამკურნალო ბიოპრეპარატების შექმნა, მათ შორის ფიჭის;

საკონსულტაციო მომსახურება ან ლაბორატორიული ანალიზებზე განისაზღვრება 70 %, მაგრამ არა უმეტეს 7000 ლარით. თუ დონორი ორგანიზაციაა, მაშინ 4000 ლარით. მევენახეობაში 1 ჰა ფინანსდება არა უმეტეს 70 %, მაგრამ, არა უმეტეს = 7000 ლარით.

5. საფუტკრეების შემთხვევაში ბიოპრეპარატები და ბიო ფიჭის შექმნა არა უმეტეს 70 %, მაგრამ ერთ სკაზე არა უმეტეს 50 ლარი. ჯამურად 5100 ლარი. დონორი ორგანიზაციის შემთხვევაში, არა უმეტეს 40 %, მაგრამ, ერთ სკაზე არა უმეტეს 25 ლარი. ჯამურად 2900 ლარი.

6. მღვდელთა მითან რეგიონებში სახელმწიფო თანადაფინანსებით მცირე მექანიზაციის ტექნიკური საშუალებების შექმნის პროგრამა.

პროგრამის ფარგლებში დაფინანსდება მაღალმთიან დასახლებებში მცხოვრები პირების მიერ შესაძენი მცირე ზომის (7 ცხ-დან) სასოფლო-სამეურნეო ტექნიკის ღირებულების 70 %. თანადაფინანსების ლიმიტი განსაზღვრულია სიმძლავრეების მიხედვით და არ აღემატება 2500 ლარს. პროგრამის ჯამური ბიუჯეტი შეადგენს 5 მლ. ლარს.

პროგრამის მიზანია, ვინაიდან მაღალმთიან დასახლებებში მოსახლეობას აქვს მცირე ზომის ნაკვეთები და არ არის ხელმისაწვდომი მობილურ მექანიზაციაზე, აღნიშნული ნაკვეთების დასამუშავებლად, ხელი შეუწყოს აღნიშნული ნაკვეთების დამუშავებას სხვადასხვა კულტურების მოსაყვანად.

ყურადღება – კონკურსი!

საპარამჯოს მუნიციპალიტეტის მერიის განათლების, კულტურის, ძეგლთა დაცვის, სპორტის და ახალგაზრდულ საქმეთა სამსახური „დედა ენის“ დღესთან დაკავშირებით აცხადებს კონკურსს „ქართული კალიგრაფია“

კონკურსის მიზანი: ქართული დამწერლობისა და ქართული კალიგრაფიის პოპულარიზაცია, ხელით წერის კულტურისა და კონკურსანტების შემოქმედებითი უნარების განვითარება.

კონკურსის პირობები:

კონკურსში მონაწილეობა შეუძლიათ საგარეჯოს მუნიციპალიტეტის საჯარო სკოლების მოსწავლეებს, შემდეგ ასაკობრივ ჯგუფებში:

1. VII - IX კლასი

2. X-XII კლასი

კალიგრაფიული ნაშრომების შესასრულებელი პირობები:

- კომპოზიციის სრულყოფილად აგება (ფურცლის ერთიანობაში აღქმა, მინდვრები, აბზაცები; წერის სტილისა და საწერი არეების ერთნაირად დაცვა დასაწყისიდან დასასრულამდე);

- ტექსტის ლამაზად და გარკვევით შესრულება, იმისათვის რომ კარგად იკითხებოდეს. კალიგრაფიული ტექსტის წერისას სასურველი არ არის ასო-ნიშნების ზედმეტი სტილიზაცია, დახრილობა;

- ასო-ნიშნების ზომისა და ფორმის ერთიანი სტილის დაცვა;

- ნაწერში ასო-ნიშნებისა და გადახედვების

სახეების სისწორე (ასეთის არსებობის შემთხვევაში);

- დენიდან მაქსიმალური სიზუსტით, შეცდომის გარეშე გადმოწერა;

- ტექსტისთვის კალმის ფერი უნდა იყოს შავი ან ლურჯი,

- საწერ საშუალებებს უზრუნველყოფს ორგანიზატორი;

- კონკურსანტმა შესაძლებელია ისარგებლოს საკუთარი საწერი საშუალებებით ორნამენტების, განსხვავებული ადგილები-სა და სახედო ადგილების გასაფორმებლად, სახაზავით, საშლელით.

კონკურსში გამოვლინდება 3-3 გამარჯვებული ორივე ასაკობრივი ჯგუფიდან; გაიცემა შესაბამისი ფულადი საჩუქრები:

I ადგილი - 600 (ექვსასი) ლარი

II ადგილი - 400 (ოთხასი) ლარი

III ადგილი - 300 (სამასი) ლარი

ნაშუქვრებს განიხილავს და შეაფასებს მერის ბრძანებით დამტკიცებული უიური.

კონკურსში მონაწილეობის მსურველებმა უნდა გამოეხატონ შემდეგი ინფორმაცია: სახელი, გვარი, სკოლა, კლასი, საკონტაქტო ნომერი, 2024 წლის 5 აპრილამდე, ელექტრონული ფოსტით, შემდეგ მისამართზე: კულტურა.საგარეჯო გმაილ.ჯომ

კონკურსის ჩატარდება 2024 წლის 16 აპრილს, ქ. საგარეჯოს 3 საჯარო სკოლაში, 15:00 სთ.

საკონტაქტო პირები:

ანი ანუაშვილი - 591 70 12 70.

ნინო ქახიასურთაშვილი - 599 85 10 91;

ყურადღება


ივლილება

პირადობის კვლევის მოწოდება

„სამართლმცოდნეობის“ მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწოდებისა და საქართველოს მოქალაქის პასპორტის გაცემის წესის შესახებ“ საქართველოს კანონში ცვლილების თანახმად, 2024 წლის 1 ივლისიდან, უქმდება 2011 წლის 28 ივლისამდე გაცემული არაელექტრონული (ლამინირებული) პირადობის მოწოდებები.

2024 წლის 15 მარტიდან იუსტიციის სამინისტრო არაელექტრონული (ლამინირებული) პირადობის მოწოდების მფლობელთათვის უზრუნველყოფს პირადობის ელექტრონული მოწოდებით (I ბარათით) უსასყიდლოდ ჩანაცვლებას.

2011 წლის 28 ივლისამდე გაცემული არაელექტრონული (ლამინირებული) პირადობის მოწოდების პირადობის ელექტრონული მოწოდებით (I ბარათით) უსასყიდლოდ ჩანაცვლების მიზნით, მოელი ქვეყნის მასშტაბით მიმართეთ იუსტიციის სახლებსა და მობილურ იუსტიციის სახლებს.



ტრადიციას არ ივიწყებენ

„ბერიკაობა“

დასასრული

სიმღერისა და ცეკვის დროსაც ილოცებოდნენ:

„გაუსვი ფეხი მაგრათა, თან მიაყოლე ხელები, ამ სახლის პატრონს ავესოს პირამდე პურით ბედლები“.

თუ ბერიკაობაზე მოსიარულენი ძღვენი უკმაყოფილონი დარჩებოდნენ, ბერიკა ან რომელიმე სხვა წვერი ეზოში გაგორდებოდა, რაც ოჯახისათვის ცუდი ამბავის მომასწავებლად ითვლებოდა. ხალხის რწმენით, მათი ყანები განადგურდებოდა, სახლში ხბო და ქათამი არ გაიზრდებოდა. ამას შეიძლება ოჯახის რომელიმე წევრის სიკვდილიც მოჰყოლოდა.

მიუხედავად იმისა, რომ ყველა გულუხვად უმასპინძლებოდა ბერიკათა ამაღლს, ისინი ამას არ სჯერდებოდნენ და იტაცებდნენ ყველაფერს, რაზედაც კი ხელი მიუწვდებოდათ. დარბევა არაბს, ღვეკს ან თათარს და ღორს ევლებოდა, რასაც ხალხი სისხარულით ხვდებოდა; ბერიკების მიერ სასმელ-საჭმელის მოტაცება მათ ბედნიერებას უბედობდა.

მასპინძლები ცდილობდნენ მთავარი ბერიკასათვის ან თათრისა და მღვდლისათვის წვერ-უღვაშიდან ბეჭვი ამოეღოდათ, რომელსაც საქონლისა და წიწილების გასამრავლებლად ბაგაში და საბუდარში დებდნენ.

„გაგვიმასპინძლა კარგათა, ბერიკაზე აქვს თვალია, უნდა, რომ წვერი მოგლიჯოს, მისთვის ეს გასახარია; ბერიკას მცველი გვერდს უდგა, ხელში უჭირავ ხმალია, მასპინძელს ახლოს არ უშვებს, ეს არის მისი ვალია;“

„ცოტა წვერ თითონ მოგლიჯა, მასპინძელს მისცა მალია, დალოცა მათი ოჯახი — გამატოთ ღონე-მალია“.

სანოვანო დაღვირვული ბერიკების ამაღლა შემდეგ სხვა ოჯახს მიაკითხავდა და ასე მთელ სოფელს მოივლიდა. ბოლოს, დღესასწაულის მონაწილენი სიმღერითა და ცეკვით თამაშით დანიშნული ადგილისაკენ წავიდოდნენ და შეგროვილ სურსათსაც თან წაიღებდნენ. როდესაც ბერიკაობის ყველა წვერი შეიკრიბებოდა, ბერიკა ხმალიდან აცხადებდა, რომელი ოჯახიდან რა ჰქონდათ ნებით თუ ძალით წამოდებული.

ბერიკები მხოლოდ ერთი სოფლის დავლით არ კმაყოფილდებოდნენ. ისინი ახლობელ თუ შორეულ სოფლებსაც ესტუმრებოდნენ. მაგალითად, დიდმელი ბერიკები ლამისყანას, თუხს, ძაღლის, ნატახტარს, მცხეთას, ქსოვრისსა და წიღკანს მოივლიდნენ.

ბერიკები მხოლოდ ერთი სოფლის დავლით არ კმაყოფილდებოდნენ. ისინი ახლობელ თუ შორეულ სოფლებსაც ესტუმრებოდნენ. მაგალითად, დიდმელი ბერიკები ლამისყანას, თუხს, ძაღლის, ნატახტარს, მცხეთას, ქსოვრისსა და წიღკანს მოივლიდნენ.

ასეთივე გრძელი გზა ჰქონდათ მშველითულ ბერიკებსაც. ისინი მშველითიდან მიდიოდნენ ჭურთაში, გაგაზში, მოჭალიეთში, ხარბალსა და მონასტერში, ბერიკები გზადაგზა ისვენებდნენ და ცეკვა-თამაშს მართავდნენ.

კარდაკარ სიარულისა და სურსათის შეგროვების დროსაც კი დღესასწაულის მონაწილეთა მთელი გულსიყვარი დედოფლისადმი იყო მიპყრობილი. მაგრა დედოფლის ხელში მოგდება არც ისე ადვილი იყო — ხის ხმლებით შეიარაღებული მცველები მას წამითაც არ აშორებდნენ თვალს. ყველაზე მეტად მაინც მთავარი ბერიკა გამოირჩეოდა, იგი დასდევდა დედოფალს, ეხვეოდა, კოცნიდა, მას ბევრჯერ დედოფლის კაბაც დაუხვევია. ერთი-უღ სურვილებს დედოფლისადმი ბერიკასთან ერთად დღესასწაულის სხვა მონაწილენი და მაყურებლებიც კი იხენდნენ. „ვინც დედოფალს აკოცებდა, დოვლათიანი და ბედნიერი იქნებოდა“.

სოფლის მოედანზე ან დიდი სახლის ბანზე ნეფე-დედოფლის ქორწინების ინსცე-



ნირება ხდებოდა. ბერიკა ეალერსებოდა დედოფალს, ცოლობას სთხოვდა, საუკეთესო მამულებსა და ცხოვრებას ჰპირდებოდა. ალერსითა და დაპირებით მოხიბლული დედოფალი თანხმდებოდა, რასაც ქორწილის სამზადისი მოჰყვებოდა ხოლმე. დედოფალს, ისევე როგორც ბერიკას, ჭრელი ნატახტარით, ქაღალდებითა და ყურძნის ჯაგნებით მორთავდნენ და ჯვრის დასაწერად ორივეს ერთად ურმით ან ვირით წაიყვანდნენ. მექორწინებს წინ „ჯვრის პურით“ ხელში ნათლია მიუძღოდა, მას მღვდელი, მას მღვდელი შეიარაღებული მცველები და დღესასწაულის სხვა მონაწილენი მიჰყვებოდნენ. რომელიმე კარმიდამოს წინ ან მოედანზე ნეფე-დედოფალს მღვდელი ჯვარს დასწერდა. ქორწინება სიმღერით, ცეკვა-თამაშით და ფერხულით მთავრდებოდა, რის შემდეგაც ბერიკა-ნეფესა და დედოფალს შორის სქესობრივი აქტის ინსცენირება ეწყობოდა. ამის მაყურებელი ხალხი ერთმანეთს დაეროდა, ზოგი ქალებს მისდევდა, ზოგი განურჩევლად ყველას კოცნიდა და დამსწრეებს უწმარული სიტყვებით მიმართავდა.

ზოგჯერ შეუღლების შემდეგ დედოფლის მცველები — თათარი ან არაბი — ნეფეს კლავდნენ. შეწუხებული დედოფალი თავის მეუღლეს დასტიროდა. მკვდარ ნეფეს სასაფლაოზე ტირილითა და გოდებით მიაცილებდა მთელი ამაღლა. ანდერძის ასაგებად ჯოხის ცხენზე ან ვირზე უკულმა მემჯდარი მღვდელიც მიჰყავდათ.

საფლავთან დედოფალი სახეს იხოკდა და მოთქვამდა: „ბერიკო, ჩემო ბერიკო, შემოვიარე სოფლები, ის შენისთანავე ვერ იყო... მესტიერე სამგლოვიარო ჰანზე ბერიკულს უკრავდა და მთელი ამაღლა სტივისის ხმაზე ტიროდა.“

დღესასწაულის მონაწილენი დედოფალს ამშვიდებდნენ, უკეთეს ქმარს პირდებოდნენ, ევერებოდნენ და კოცნიდნენ.

ამას ბერიკას გაცოცხლების ინსცენირება მოსდევდა. მას წყალს ასხამდნენ, სხვადასხვა სასუნებელს აენოსებდნენ, სახეს დაუსრესდნენ და გააქან-გამაქანავებდნენ — მის გაცოცხლებას ცდილობდნენ. ამასობაში თათარი ან არაბი დედოფალს იტაცებდა. როდესაც მკვდარ ბერიკას ჩანახტარებდნენ — დედოფალი მოიტაცებოდა, ის ცოცხლდებოდა, ხის ხმლით ხელში თათარსა და მის მომხრეებს მისდევდა, იბრუნებდა მოტაცებულ დედოფალს და მასთან ხელმორედ მეუღლდებოდა. ხშირად არა მარტო ბერიკა, არამედ დღესასწაულის თითქმის ყველა მთავარი მონაწილე კვდებოდა და ცოცხლდებოდა.

შემდეგ დღესასწაულის მოქმედება პირებმა კვლავ კარდაკარ დაგვლა და სურსათ-სანოვანის შეგროვება იცდნენ.

ბერიკების მსვლელობის დასასრულს მოედანზე კეტებითა და ხმლებით ხელჩართული ბრძოლა და ჭიდაობა იმართებოდა. დამარცხებულ მხარეს კვერცხებს უმტვრევდნენ ან შეგროვილ სურსათს ართმევდნენ. ამბობდნენ, „მოსავლის დოვლათიც გამარჯვებულთა სოფლებში დატრიალდებო“.

დღესასწაული „საბერიკო სუფრით“ მთავრდებოდა; ღვინო საერთო ხარჯითა და შეგროვილი ნადავლით ეწყობოდა. იგი ზოგჯერ რამდენიმე დღესაც გრძელდებოდა ხოლმე. „საბერიკო ვახშამს“ შაირები, სიმღერა, ცეკვა-თამაში და ფერხული მოჰყვებოდა. დრო-სტარებით კარგად გულს რომ ოჯერებდნენ, ბერიკათა მეთაური ბერიკაობის მონაწილეებს გაამწკრივებდა და პირს აღმოსავლეთისკენ უზამდა. ისინი ღმერთს მადლობას შესწირავდნენ და შესთხოვდნენ — მომავალ ბერიკაობას უკეთესად შეგვახვედრო.

სპორტი

ბარეჯელმა „კლასიკოსებმა“ სპორტული
წელი დაიწყეს

სულ ასე, ნაკრებების გზით



წმერთი ათეული წელიც არ შერულებულა, რაც ა(ა)იპ „საგარეჯოს მუნიციპალიტეტის სპორტული გაერთიანების“ ბაზაზე შეიქმნა ბერძნულ-რომაული ჭიდაობის სექცია, მაგრამ მისმა დამუშავებელმა, მწვრთნელმა თამაზი ყიფიანი შეძლო იმაზე უკეთეს შედეგების ჩვენება, რასაც ამ სექციაზე უფრო „ასაკოვანი“ და უკეთეს პირობებში მოქმედი, საქართველოს ბერძნულ-რომაული სტილის ჭიდაობის ბევრი ანალოგიური სექციები ვერ აღწევენ. საქართველოს ჩემპიონებსა და პრიზიორებს რომ აღარაფერი ვთქვათ, მისმა აღზრდილებმა ბევრი საერთაშორისო ტურნირზეც ისახელეს თავი და აკი შარშან მისი ნიჭიერი და პერსპექტიული მოსწავლე ლუკა მარტიაშვილი ბუდაპეშტში ევროპის ჩემპიონი და შემდეგ ბრაზილიაში ბავშვთა მსოფლიო თამაშებების ჩემპიონი გახდა ერთი და იგივე 75 კგ. წონით კატეგორიაში.

დადგა ახალი წლის ახალი სპორტული სეზონი და აი თამაზ ყიფიანი ახალი სასიხარულო ცნობით კვლავ ჩვენი რედაქციის სტუმარია. 18-19-20 მარტს გორში ჩატარებულ ბერძნულ-რომაულ ჭიდაობაში საქართველოს ჩემპიონატში, 2009-2010 წლებში დაბადებული უფროსი ასაკის ჭაბუკებში, მისი აღსაზრდელი შოთა ტაბატაძემ 85 კგ. წონით კატეგორიაში მეორე საპრიზო ადგილის და ვერცხლის მედალის მფლობელი გახდა.

– რა არის, თამაზ ჩვენი ბურღიანელი „კლასიკოსი“ სულ მეორე ადგილზე რომ გამოდის ხოლმე. თუ არ ვცდები, შარშანაც საქართველოს ჩემპიონატზე იგივე შედეგი პქონდა, – ვეკითხები თამაზს.

– კი, შოთა საქართველოს შარშანდელი ვიცე-ჩემპიონია. რაც შეეხება წლებად მის შედეგს, მან ფინალში გადასასვლელ შეხვედრაში სუფთად დაამარცხა ლაშა გოგიტიძე, მაგრამ სამწუხაროდ, ფეხი (კოჭი) ამოიგდო და იმის გათვალისწინებით, რომ მომავალში სხვა, კიდევ უფრო მნიშვნელოვანი ასპარეზობებია, რომლისთვისაც ფეხის დროულად მოშუშება და მომზადება რომ მოასწროს, ვურჩივ ფინალი აღარ ეჭიდავა.

– კერძოდ, რა ასპარეზობებია მოსალოდნელი?

– მოსალოდნელი კი არა, 16-21 აპრილს რუმინეთში ტარდება დიდი საერთაშორისო ტურნირი, რომელშიც საქართველოს ბერძნულ-რომაული ჭიდაობის ნაკრებიც გამოვა და როგორც ამ ნაკრების მთავარმა მწვრთნელმა ჯემალი ბაკურიძემ საქართველოს ჩემპიონატში გამარჯვებულებთან ერთად დაასახელა შოთა ტაბატაძე მიიღებს მონაწილეობას. აქედან გამომდინარე, თუ შოთა რუმინეთში კარგ შედეგს „დადებს“, იგი დაყენებული იქნება ევროპის მომავალ ჩემპიონატზე.

– თქვენი პირველი წარმატებული და ყოფილი მოსწავლის, ქერემ მანალიკაშვილის ესტონეთში მიღწეული წარმატების შესახებ რას გვეტყვით?

– ქერემ მანალიკაშვილის მიღწევებიდან ბერძნულ-რომაულ ჭიდაობაში ის, რომ არის ევროპის ჩემპიონატის III პრიზიორი და ახლა უკვე დიდების ასაკში იცავს საქართველოს ნაკრების ღირსების და ესტონეთში ახლახანს გახდა აქ გამართული საერთაშორისო ტურნირის ბრინჯაოს პრიზიორი.

– თქვენი ნიჭიერი აღსაზრდელის საქართველოს, ევროპისა და მსოფლიო ბავშვთა ოლიმპიური თამაშების შარშანდელი ჩემპიონის, ლუკა მარტიაშვილის წლებადელი გემები როგორია?

– ლუკას წლებადელი უახლოესი გემებიდან ისაა, რომ 8-10 აპრილს ქალაქ ხაშურში ჩატარდება საქართველოს ჩემპიონატი 2007-2008 წლებში დაბადებულ მოჭიდავეთა შორის, სადაც იგი 80 კგ.წონით კატეგორიაში იჭიდავებს და უსათუოდ უნდა მოიგოს, რათა გზა გაეხსნას ევროპისა და სხვა მომავალი საერთაშორისო ასპარეზობებში მონაწილეობის მისაღებად, რასაც მისი შესაძლებლობიდან გამომდინარე დარწმუნებული ვარ იგი უსათუოდ შეძლებს.

– დიდი კონკურენცია იქნება საქართველოს ჩემპიონატზე და ვინ იქნებიან მისი ძირითადი მეტოქეები ჩემპიონატის ტიტულის მოსაპოვებელ შეხვედრაში?


– რა თქმა უნდა საქართველოს ჩემპიონობისთვის კონკურენცია და ბრძოლები უშუალოდ იქნება. რაც შეეხება ლუკას ძირითად მოწინააღმდეგეებს ამ წონაში, ესენი არიან თბილისელი ალადაშვილი და აჭარელი კონალიძე, რომლებთანაც შეხვედრაში შოთას წინა წლებში დადებითი ბალანსი აქვს და ვფიქრობ არც წელს დაარღვევს ტრადიციას.

გივი დაბაძიშვილი

ჩვენი მკლავჭიდებლები
მიღწეულზე არ ჩერდებიან

მს ბოლო რამდენიმე წელია ა(ა)იპ „საგარეჯოს მუნიციპალიტეტის სპორტული გაერთიანების“ მკლავჭიდების სექციის სპორტსმენებმა მტკიცედ დაიკავეს მნიშვნელოვანი ადგილი ჩვენი ქვეყნის მოწინავე მკლავჭიდებლებს შორის. უფრო მეტიც = ევროპისა და მთელ მსოფლიოს აჩვენეს გარეჯული მკლავის ძალა.

წარმატებით დაიწვეს მწვრთნელ მამუკა ბილანიშვილის მკლავჭიდებლებმა მიმდინარე წელი. 8-10 მარტს თბილისში, თბილისის დია პირველობა 2024-ზე მათ არნახულ წარმატებას მიადღეს: 38 სპორტსმენიდან 28 საბაზო სამეულში შევიდა, საიდანაც 14 მარტო ოქროს სინჯის მედალია. აღსანიშნავია, რომ ამ 14 ოქროდან, ორი – სექციის გოგონა მკლავჭიდებელზე – მარია



მანარაშვილზე მოდის, რომელმაც ეს მედალები 15 წლამდე გოგონებში 70 კგ. წონით კატეგორიაში მოიპოვა.

15-17 მარტს კი ჩვენი მკლავჭიდებლები თბილისში გამართულ მკლავჭიდში „2024 წლის ევროპის“ შესარჩევ შეხვედრაში დიდებში იღებდნენ მონაწილეობას. აქ მონაწილეობა მარჯვენაში – II, მარცხენაში კი = III საპრიზო ადგილი დაიკავა. ოთარი საბიანიშვილი ჩემპიონი გახდა მარცხენა მკლავის გადაძალდაში. იგივე

შედეგი აჩვენა მარჯვენა ხელში ნუზარი ზიბაძემ. თავის სპორტსმენებს არც მათი მწვრთნელი – მამუკა ბილანიშვილი „ნამორჩა“ და ჩემპიონი გახდა მარჯვენა მკლავის გადაძალდაში.

ამით მათ საქვეყნოდ კიდევ ერთხელ დაამტკიცეს, რომ ტყუილად არ მოუპოვებიათ 2024 წლის „საუკეთესო გუნდის“, მამუკა ბილანიშვილს კი „ქვეყნის საუკეთესო მწვრთნელის“ ტიტულები და იმედია, რომ მათ წარმატებებს მალე ვიხილავთ ევროპულ სარბილზეც.



გივი დაბაძიშვილი

ა(ა)იპ „საგარეჯოს მუნიციპალიტეტის სკოლამდელი აღზრდის დაწესებულებათა გაერთიანების“ დირექცია და ქალაქ საგარეჯოს II სკოლამდელი აღზრდის დაწესებულების (მენეჯერი მზია ბეჟიტაშვილი) თანამშრომლები დრმა მწუხარებით იუწყებიან ამავე დაწესებულების პედაგოგის ნანა დიდგელაშვილი-ქურსული



გარდაცვალებას და თანაგრძნობას უცხადებენ განსვენებულის ჭირისუფლებს.

გივი დაბაძიშვილი

ფეხბურთი

ოცნება რეალობაა! საქართველოს ნაკრები ევროპის ჩემპიონატზეა!!!

2024 წლის 26 მარტი - ეს დღე ქართული ფეხბურთის ისტორიაში სამუდამოდ ოქროს ასოებით დარჩება.

საქართველოს ეროვნულმა ნაკრებმა შეძლო ის, რასაც 30 წელზე მეტს ხანს მთელი ქვეყანა ელოდა და პირველად ისტორიაში ევროპის ჩემპიონატის ფინალურ ეტაპზე გავიდა.


პლეი-ოფის ფინალში 30ლი სანთლის გუნდმა თბილისში, საოცარი ქომაგობის პირობებში საბერძნეთის ნაკრები დრამატულ ბრძოლაში, პენალტების სერიაში დაამარცხა.

ლუქსემბურგის მატჩთან შედარებით სანიოლმა ძირითად შემადგენლობაში ერთადერთი ცვლილება მოახდინა - ხეინა კვარაცხელია გიორგი მიქაუტაძის ნაცვლად.

თამაში გარდამავალი კვირატესობით წარიმართა, ორივე გუნდი რისკს ერიდებოდა, რაც ბუნებრივია, რადგან სასწორზე ძალიან ბევრი რამ იყო. პირველ ტაიმში გოლთან უფრო ახლოს საქართველოს ნაკრები იყო. ეს ტაიმის მიწურულს, როცა გიორგი ჩაკვეტაძის ჯარიმის ოდიესას ვლახოდინოსმა ეფექტურ ნახტომში კუთხურზე მოიგვრია.

მეორე ნახევარშიც სცენარი არ შეცვლილა: ბერძნები უფრო აკონტროლებდნენ თამაშის ტემპს, მაგრამ საქართველოს ნაკრები დაცვაში ძალიან კარგად თამაშობდა და მეტოქეს სასიფათო მომენტის შექმნის შესაძლებლობას პრაქტიკულად არ აძლევდა. საბასუხოს, არც სანიოლის გუნდს ჰქონია ძირითად დროში აშკარა საგოლე მომენტი. საბოლოოდ დამატებით დრო სრულიად ლოგიკურად დაინიშნა.

შეიძლება პარადოქსია, მაგრამ ორივე გუნდს საუკეთესო შანსები სწორედ დამატებით დროში ჰქონდა. ჯერ ბერძნებს: 102-ე წუთზე კონსტანტინოს მავროპანოსის თაგურის შემდეგ საქართველო ხარისხამ იხსნა, რასაც 3 წუთში ეუპასუხეთ რეალური მომენტით. გიორგი მიქაუტაძემ მავროპანოსის პასი ჩაჭრა, საჯარიმოში შეიჭრა და კარგი პასი გაუკეთა ზურიკო დავითაშვილს, რომელმაც ერთი შეხებით დაარტყა, მაგრამ მეკარემ აჯობა. სანიოლის გუნდს მეორე დამატებით ტაიმშიც ჰქონდა გამარჯვების გოლის გატანის შანსი, მაგრამ ვლახოდინოსმა ამჯერად გიორგი წიტიშვილს აჯობა, რომელიც დრიბლინგის შემდეგ შეიჭრა საჯარიმოში და მახვილი კუთხიდან დაარტყა.



თამაშს საბარეჯოშიც დიდ ეპროანზე უყურებდნენ და ბუღუმბატკივრობდნენ

0:1 და ყველაფერი პენალტების სერიაში გადაწყდა. იქ კი, ქონორაშვილმა, დავითაშვილმა, დვალმა და კვეციანიანმა ზუსტად დაარტყეს. მიქაუტაძემ ბურთი კარს ააცილა, მაგრამ სამაგეუროდ, მამარდაშვილმა ბაკასეტას აჯობა, იაკუმაკისმა კი არაზუსტად დაარტყა. გადამწყვეტი პენალტი კვეციანიანმა უნაკლოდ შეასრულა და მთელი საქართველო ხეიმმა მოიცივა.

ზეიმი, რომელიც სრულიად დამსახურებულია - საქართველო ევროპის ჩემპიონატზეა!

ჩვენი მუნიციპალიტეტის სკოლამდელი აღზრდის დაწესებულებაში

კოჭბანის თემი

კოჭბანის თემი სოფლები: კოჭბანი, ოთარაანი, ბოტკო, ხინჭუბი იკვლივ გორანა შედის. სკოლამდელი ასაკის აქაური აღსაზრდელები იმ საბავშვო ბაღის შენობაში იკრიბებიან, რომელიც 2019 წელს აშენდა, დამშენდა, ყველანაირი თანამედროვე მოთხოვნებისა და სტანდარტების გათვალისწინების მიხედვით ჩაღმა მწყობრში. შენობა 25 აღსაზრდელზეა გავლილი. პირველ წელს შენობა 12 აღსაზრდელმა აახმიანა, რომელთაც კარები მაშინ ბაღის მენეჯერმა და აღმზრდელ-პედაგოგმა მბა კოჭბანაშვილმა, აღმზრდელის თანაშემწემ სოფიო მბაბრიაშვილმა, მზარეულმა თამარ კოჭბანაშვილმა, ექთანმა მარია ხუციშვილმა, დამლაგე-



აანთ სწავლა-აღზრდის საპატიო საქმეს.

მანამდე კი გაბრიელი და დემეტრე თავის თანაჯგუფელებთან ერთად აღმზრდელ-პედაგოგს შორენა მისრიაშვილს, აღმზრდელის თანაშემწეს მარინა მარიაშვილს, მედიცინის დას - მარია ხუციშვილს, მზარეულ - თამარ კოჭბანაშვილს, დამლაგებელს - მარინა ბიბაშვილს, ჭურჭლის მრეცხავს - ნინო მისტაშვილს, მეგზოვე მარია წიტიშვილს, შენობის დარაჯს - ზაზა ჩორბაშვილს ყოველ დღეს ესაძლებიან და მათი მზრუნველობის ქვეშ მშვიდად გრძობენ თავს.



დაწესებულების აღსაზრდელები დები - დალი და ნანული კუხიანები გომბორის თემის სოფელ ვაშლიანიდან დადიან, უჯარმის თემის სოფელ უჯარმიდან არიან ტყუპები = სალომე და საბა, მათი უფროსი ძმა - გაბრიელ ჯეირანაშვილები, თამარ მისრიაშვილი, ნინო და ნანული ტიტველაშვილები სოფელ



ბელმა ნინო ბაბუნიაშვილი სიყვარულით და დედობრივი მზრუნველობით გაუღო. მიმდინარე სასწავლო წელს კოჭბანის სკოლამდელი აღზრდის დაწესებულებას (როგორც ახლა საბავშვო ბაღები ასეთი სტატუსით მოიხსენიება) 16 აღსაზრდელი ჰყავს. მათგან ყველაზე პატარები - 2 წლის ასაკისები გაბრიელ ქისტაური და დემეტრე წიტიშვილი არიან. სასკოლო ასაკისები კი - გელა გიგაური და გაბრიელ ჯეირანაშვილი. ახალ სასწავლო წელს ორივე ხელიხელსაყრელი კოჭბანის საჯარო სკოლის შენობის კარს შეხსნიან, შევლენ საკლასო ოთახში და სასკოლო განათლების დაწესებულების საფეხურის პედაგოგ ინგა მამუკაშვილს მიანდობენ თავი-



კოჭბანის მკვიდრები არიან. კოჭბანის თემის სოფლის გორანის მცხოვრებნი არიან და - ძმა - მარინა და დემეტრე წიტიშვილები, ძმები მამუკა და ზურა წიტიშვილები, სოფელ სასადილოდან - ქეთი ჩიტოშვილი. აღსაზრდელების სოფლებიდან დაწესებულებაში შემდეგ დაწესებულებიდან სასკოლამდელ ტრანსპორტირებას



ავტომანქანის მძღოლი ალექსი მამუკაშვილი უზრუნველყოფს.

კოჭბანის თემის სკოლამდელი აღზრდის დაწესებულების დღიდან ფუნქციონირების, მენეჯერია მბა კოჭბანაშვილი, რომელიც სოფელ ვერხვიანში დაიბადა, საშუალო სკოლა სოფელ ყანდაურაში დაამთავრა და შემდეგ თბილისის უცხო ენათა ინსტიტუტში გააგრძელა სწავლა. სწავლის დასრულების შემდეგ კი სხვადასხვა სამუშაო ადგილებზე მოუწია მუშაობა. ბოლოს კი, მეუღლესთან გონა გიგაურთან და ორ შვილთან ერთად კოჭბანში, მამა-პაპისეულ ფუძეზე დაბრუნდნენ და ხუთი წელია მთის შვილებს დედობრივ მზრუნველობას უწევს. მერე რა, რომ დაწესებულების მენეჯერია, ყოველ დღე ამ პატარებთან ერთად, შორენა მისრიაშვილთან ერთად მღერის, ცეკვავს, სწავლობს და ასწავლის ლექსებს და ყველა ერთად ღამაზ დღეებს ჩუქნიან პატარებს.



რედაქტორი: **თინათინ ილაური**

„გარეჯის მაცნე“ გამომცემელი შპს „გარეჯის მაცნე“
 გაზეთი რეგისტრირებულია სსიპ „საჯარო რეესტრში“ სარეგისტრაციო ნომერი 23184601;
 საიდენტიფიკაციო კოდი 438107460. ტირაჟი – 300
 რედაქციის მისამართი: ქ. საგარეჯო,
 დ. აღმაშენებლის ქ. № 15,
 გაზეთი აიწყო და დაკაბადონდა შ.პ.ს. „გარეჯის მაცნე“-ში
 დაიბეჭდა თბილისში, გამომცემლობა შპს „კოლორ პრეს“-ში.
 ტელეფონი: 599 851 143
 ელ. ფოსტა: garejismacne11@gmail.com

